

**Y Pwyllgor Iechyd a
Gofal Cymdeithasol**

**Health and Social Care
Committee**

Senedd Cymru

Bae Caerdydd, Caerdydd, CF99 1SN
Seneddlechyd@senedd.cymru
senedd.cymru/Seneddlechyd
0300 200 6565

Welsh Parliament

Cardiff Bay, Cardiff, CF99 1SN
SeneddHealth@senedd.wales
senedd.wales/SeneddHealth
0300 200 6565

Lynne Neagle AS
Y Dirprwy Weinidog Iechyd Meddwl a Llesiant
Llywodraeth Cymru


18 Mawrth 2022

Annwyl Lynne

Fframwaith cyffredin dros dro ar gyfer labelu, cyfansoddiad a safonau sy'n gysylltiedig â bwyd

Er mwyn llywio ein hystyriaeth o'r fframwaith cyffredin ar gyfer labelu, cyfansoddiad a safonau sy'n gysylltiedig â bwyd, byddem yn hoffi cael barn Llywodraeth Cymru ar y materion a nodir yn yr atodiad i'r llythyr hwn erbyn dydd Gwener 22 Ebrill.

Yn gywir



Russell George AS
Cadeirydd y Pwyllgor Iechyd a Gofal Cymdeithasol

cc Huw Irranca-Davies, Cadeirydd y Pwyllgor Deddfwriaeth, Cyfiawnder a'r Cyfansoddiad

Croesewir gohebiaeth yn Gymraeg neu Saesneg. We welcome correspondence in Welsh or English.



Atodiad: Fframweithiau cyffredin: cais am ragor o wybodaeth

Er mwyn cynorthwyo ein trafodaethau ar y fframwaith cyffredin dros dro ar gyfer labelu, cyfansoddiad a safonau sy'n gysylltiedig â bwyd, byddem yn croesawu cael rhagor o wybodaeth am y materion a restrir isod. Byddem yn ddiolchgar pe baech yn anfon eich ymateb **erbyn dydd Gwener 22 Ebrill**.

Rhesymau

1. Pam mae angen fframwaith ar gyfer y maes polisi hwn?
2. Mae'r fframwaith yn nodi y bydd llywodraethau'n gallu ymwahanu o dan y fframwaith hwn lle mae'r dystiolaeth yn glir bod ymwahanu'n angenrheidiol ac yn gymesur i ddiwallu anghenion lleol. Sut y byddwch yn penderfynu a yw ymwahanu yn 'angenrheidiol ac yn gymesur'?
3. Mae cysylltiad agos rhwng y fframwaith hwn a fframweithiau ar gyfer diogelwch bwyd a bwyd anifeiliaid a hylendid a labelu, cyfansoddiad a safonau sy'n gysylltiedig â maeth. Sut y caiff y cysylltiadau rhwng y fframweithiau cyffredin hyn eu rheoli?

Rheoli ymwahanu

4. Mae'r fframwaith yn ei gwneud yn ofynnol i Lywodraeth Cymru beidio â bwrw ymlaen â chynnig polisi o fewn cwmpas nes ei fod wedi mynd drwy broses penderfynu ar y cyd. Pa effaith y gallai hyn ei chael ar gymhwysedd y Senedd a Llywodraeth Cymru?
5. Mae'r fframwaith yn ei gwneud yn ofynnol i Lywodraeth Cymru beidio â lansio ymgynghoriad cyhoeddus, na gwneud cynnydd mewn unrhyw ffordd berthnasol arall, gyda chynnig polisi o fewn cwmpas, nes iddo gael ei ystyried gan grŵp swyddogion y Safonau Cyfansoddiad Bwyd a Labelu. Sut y bydd hyn yn effeithio ar rôl rhanddeiliaid yng Nghymru wrth ddatblygu cyfraith a pholisiau yng Nghymru?
6. Pam y bydd newidiadau i'r gyfraith o fewn cwmpas prosesau gwneud penderfyniadau'r fframwaith pan mae cyfraith yr UE yn caniatáu i fesurau cenedlaethol gyflawni canlyniadau cyffredin?
7. Pam y bydd newidiadau i'r gyfraith o fewn cwmpas prosesau gwneud penderfyniadau'r fframwaith a fyddai ond yn gymwys i fusnesau a sefydlir neu gynhyrchion a ddosberthir yng Nghymru?
8. Mae Llywodraeth y DU yn bwriadu cyflwyno cynigion newydd ar labelu bwyd fel rhan o'i Strategaeth Fwyd Genedlaethol sydd ar y gweill. Pa ystyriaeth ydych chi wedi'i rhoi i'r cynigion hyn ac a ddylai unrhyw newidiadau fod yn gymwys yng Nghymru?



9. A ydych yn fodlon bod y rhestr o ddeddfwriaeth o fewn cwmpas y fframwaith yn Atodiad C wedi'i chwblhau? Er enghraifft, pam mae rheoliadau ar frasterau taenadwy wedi'u rhestru, ond bod rheoliadau ar olew olewydd yn absennol?

Rôl yr Asiantaeth Safonau Bwyd

10. Sut y bydd Llywodraeth Cymru yn sicrhau bod gan yr Asiantaeth Safonau Bwyd yr arbenigedd a'r capasiti i wneud penderfyniadau ac argymhellion ar labelu bwyd a safonau cyfansoddiad bwyd ar gyfer Cymru yn y dyfodol?
11. A fydd swyddogion Llywodraeth Cymru yn chwarae unrhyw ran yng ngwaith grŵp swyddogion y Safonau Cyfansoddiad Bwyd a Labelu?
12. Pa gynnydd sydd wedi'i wneud yn sgil yr adolygiad o'r Asiantaeth Safonau Bwyd yng Nghymru a gyhoeddwyd ym mis Mehefin 2021?
13. Pryd bydd Llywodraeth Cymru a'r Asiantaeth Safonau Bwyd yn cyhoeddi Concordat diwygiedig?

Deddf Marchnad Fewnol y DU 2020

14. Pa effaith y gallai Deddf Marchnad Fewnol y DU 2020 ei chael ar gyfraith Cymru ynghylch labelu, cyfansoddiad a safonau sy'n gysylltiedig â bwyd?
15. A ydych yn bwriadu gofyn am unrhyw eithriadau o'r Ddeddf yn y maes fframwaith cyffredin hwn?

Yr UE a Gogledd Iwerddon

16. Sut bydd Llywodraeth Cymru yn parhau i fonitro newidiadau i gyfraith yr UE ar labelu, cyfansoddiad a safonau bwyd ac yn asesu goblygiadau gweithredu'n wahanol i'r UE a Gogledd Iwerddon?
17. Sut y byddwch yn asesu'r risgiau a'r manteision o barhau i gadw golwg ar newidiadau i gyfraith yr UE ar labelu, cyfansoddiad a safonau bwyd?

Cyfraith ryngwladol a chytundebau rhyngwladol

18. Pa rwymedigaethau rhyngwladol a geir yn y maes polisi hwn?
19. A fydd y llywodraethau'n cydweithio i gytuno ar safbwyntiau ar gyfer polisi rhyngwladol ar safonau bwyd, ac (os felly) sut?

20. Pam nad yw'r fframwaith yn cyfeirio o gwbl at Gytundeb Masnach a Chydweithredu y DU a'r UE?
21. Mae'r fframwaith yn darparu y bydd yn galluogi'r llywodraethau i ystyried unrhyw oblygiadau sy'n deillio o fasnach ryngwladol sy'n effeithio'n uniongyrchol ar weithredu Fframwaith Cyffredin. A ydych o'r farn bod hyn yn rhoi digon o gyfle i Lywodraeth Cymru gyfrannu at safbwyntiau'r DU ar labelu, cyfansoddiad a safonau bwyd yn ystod trafodaethau masnach rhyngwladol?

Llywodraethu a datrys anghydfodau

22. A ydych chi'n ystyried bod y dull datrys anghydfod yn ddigon cadarn i ateb y diben arfaethedig?
23. Os bydd llywodraeth arall yn gwrthwynebu cynnig polisi gan Lywodraeth Cymru drwy'r mecanwaith datrys anghydfodau, a allai hynny achosi oedi o ran deddfwriaeth yng Nghymru?
24. Pam nad oes terfynau amser wedi'u pennu ar gyfer datrys anghydfodau?

Sut y datblygwyd y fframwaith

25. Sut gwnaeth llywodraeth Cymru ymgysylltu â rhanddeiliaid o ran datblygu'r fframwaith?
26. Sut mae'r fframwaith yn adlewyrchu ymatebion rhanddeiliaid yng Nghymru?

Adolygu a diwygio

27. Sut y bydd y Senedd yn gallu cyfrannu at y broses o adolygu a diwygio'r fframwaith?
28. Sut y bydd rhanddeiliaid yn gallu cyfrannu at y broses o adolygu a diwygio'r fframwaith?